

畿

輔

安

瀾

志

畿輔安瀾志

易水卷上

原委

易水卷下

故道

附載

隄防

橋渡

祠廟

水利

畿輔安瀾志

易水卷上

原委

易水有三曰中易水曰北易水曰南易水中易水爲

正支源出易州

漢故安縣易縣

西山武峯嶺

周禮職方并州其浸涿易 史記正義易水出易

縣 漢書地理志涿故安閭鄉易水所出東至范

陽入潯也 〔後漢書郡國志〕涿郡故安易水出

隋書地理志易縣有駸牛山五回嶺有易水徐水

水經易水出涿郡故安縣閭鄉西山酈注易水

出西山寬中谷東逕五大夫城 元和郡縣志易

水一名故安河出縣西燕太子丹送荆軻易水之

上卽此水也 〔太平寰宇記〕中易水水經注云出

故安閭鄉城谷中又東逕易京城與北易水合流

入巨馬河

謹案中易水北易水南易水之名始見於寰宇記其所引水經注亦與原文異

所云谷中則寬  
中谷之也說

方輿紀要五回山易州西南百

二十里亦曰五回嶺方輿紀云易州有武夫關武  
水所山蓋卽五回山之訛也俗又訛爲五虎嶺

謹案易水有三前漢書地理志分易與濡不特無  
中與北之名并不言濡亦爲易後漢書郡國志分  
易與雹不特無中與南之名并不言雹亦爲易水  
經注有北易南易之文無中易而據以易兼武水  
之稱左得濡水枝津故瀆又以雹爲南易則濡左

而甕南武爲中易矣易州志以易水出駁牛之東  
一統志駁牛山在易州西一百里易水在州西南  
源出州西亦名中易水攷地理志郡國志元和郡  
縣志太平寰宇記俱無駁牛山而隋書地理志易  
縣有駁牛山五回嶺有易水徐水以山水對舉言  
之則似以易水屬駁牛山以徐水屬五回嶺矣方  
輿紀要以源出西山者爲中易水而以武水屬五  
回山皆與水經注合蓋武卽中易矣而於窮獨山

下又列燕丹山俗名駁牛山不言水所出據云窮  
獨山在州西北三十里燕丹山在州西北百里五  
回山在州西南百二十里是燕丹山又遠在窮獨  
山之西北五回山則南北相隔更遠也攷中易爲  
正支發源較遠又似宜以燕丹山爲中易水所出  
如一統志所云則州之西南仍是五回山矣第水  
經注於易水有五公城而無五回嶺於滏水篇徐  
水則五回嶺有明文是徐水之出五回嶺無疑第



易水篇以南易出代郡廣昌縣東南郎山東北而  
於徐水亦云水西出廣昌縣東南大嶺下則近五  
回嶺者南易也又曰經所謂閭鄉曲其水東流有  
砮水南會渾波同注俗謂之雹河則中易又似與  
南易合流矣而方輿紀又以五回訛爲武夫據今  
之所稱武峯嶺音近武夫則中易水當以出五回  
者爲是第水旣以武名則當是武夫訛爲五回也  
酈注易水篇有武夫關而無五回山可見今中易

水出易州之鴨嘴溝在紫荆關西南當卽寬中谷  
水源所發之處古今水道之變遷蓋有不可強爲  
之說者矣

南流三十七里至上陳驛則有紫荆關南小水出紫  
荆嶺自北來注之

水經注易水東左與子莊溪水合水北出子莊關  
南流逕五公城西屈逕其城南 方輿紀要子莊  
溪易州西南五十里卽紫荆關水也自紫荆關流

州南 明統志子莊溪今州城西南五十里有水  
至紫荆關南流入白湍嶺卽此也

謹案紫荆關水今俗名養淵臺河源出易州北之

龍門溝

易水志小龍門口在婁亭社外通瓦窰安口二十里內連易州至盤道口六十里

南流逕養軍臺故名又南流逕朝陽菴又東南流  
逕正面村凡二十三里又南流入於中易水又據  
水經注北出之文言子莊水在北出自子莊關南  
也蓋以中易水言之則子莊溪爲北以子莊關言

之則溪又在關南方與紀要以子莊溪在州西南  
五十里紫荊嶺在州西八十里正不必以遠近爲  
疑也

又南流二十里逕東西賢德村則有雙峰村河大石  
溝水合流自西北來注之

〔謹案雙峰村河源出易州北之平頂臺東南流十  
里逕雙峰村又東南二里逕博各莊又東南流一  
里逕杜各莊又東南流五里逕西賢德村又東南

流五里逕東賢德村凡二十三里入於中易水大石溝水發源山下南流至宋各莊與平頂臺水合流入於中易水長十里

又南流十里至安各莊則有許家村河大蘭村河獨石口水合流自西北來注之又有水峪口河亦自北來入焉

謹案許家村河源出州西北之黃河口東南流二十五里逕許家村又東南流三里逕河西村又東

南流三里逕石冢寺又東南流三里逕陳各莊又  
東南流十里逕駱駝峪又東南流八里逕趙各莊  
抵南半石與獨石口大蘭村二水合長五十一里  
大蘭村河源出易州西北之大蘭口東南流三里  
逕大蘭村又東南流五里逕小蘭村亦名小蘭村河又東  
南流五里逕太平地又東南流五里逕龍村又東  
南流五里至大良各莊與獨石口水合長二十二  
里獨石口水源出易州西北之獨石嶺下東南流

屈曲逕亂山中凡二十餘里逕下良各莊與小蘭  
村河合三水俱入中易水水峪口河源出易州北  
之北口南流逕方各莊石各莊入中易水三口勢  
相連接其西卽東西五公山也易水志黃河口在  
龍村社外通銀山口至盤山口六十里

折東流逕州治南境

元和郡縣志易州因州南十三里有易水爲名  
方輿紀要易水在易州南三十里

謹案中易水北去州治紀要是也攷元和志易縣  
本漢故安縣隋開皇十六年於漢故城西北隅置  
易縣故城卽燕之南鄙周廻約三十里武陽故城  
縣東七里以此計之則志所云十三里蓋舊治也  
又東流八十里逕故安縣故城南爲故安河卽武陽  
城也亦曰武水則有軍士川水自西來入之

水經注易水又東逕武陽南蓋易自寬中厯武夫  
關東出是兼武水之稱故燕之下都擅武陽之名



左得濡水枝津故瀆武陽大城東南小城卽故安  
縣之故城也高誘云易水逕故安城南外東流卽  
斯水也誘是涿人事明經証世又謂易水爲故安  
河易水志軍士川在州西一百里發源龍村社  
流與武夫關水合其地多出武夫故名畿輔通  
志武水名中易

謹案元和志云易水一名故安河出縣西與水經  
注同寰宇記則以北易水爲一名安國河亦名北

易水源出縣西北窮犇山中東南流逕武陽故城南攷故城河以縣得名自來記載無稱安國河者當是誤以中易爲北易以故安爲固安倒作安固又訛固作國否則或以蒲陰之蒲水據蒲陰之安國城而訛也

又東流十五里至平岡村入保定府定興縣

秦范陽縣漢屬

涿郡隋道縣唐廢入易鼎金曰定興西境

永經注易水東流而出於范陽 方輿紀要易水

東流經易州境入定興縣一統志易水東流入保定府定興縣界

又泉流經洛堡曰白澗河以其上游逕北白澗也俗謂之南澗河又東流四十里逕河內村與北易水會於河陽渡

水經注易水逕出范陽縣故城又東與濡水合太平寰宇記中易水東逕易京城與北易水合流入巨馬河畿輔通志中易水流至定興河陽渡

合巨馬河入白溝 定興縣志易水流不甚宏積  
合諸澗勢漸澎湃故又名百澗至落堡入縣境麻  
固就大牛百樓倉巨之北易上河內之南與涑水  
會河陽渡涑易沙三河合流於此在縣南十里俗  
名北河

北易者古濡水也源出易州西北孟津嶺

永經注易水又東與濡水合水出故安縣西北窮  
獨山南谷 太平寰宇記北易水源出縣西北窮

獨山中東南流逕武陽故城南又東入涑水縣界  
方輿紀要窮獨山在易州西北三十里一名馬  
頭山濡水所出一統志濡水在易州北卽北易  
水也

南流三里逕金泊村折東流五里逕大龍華山又東  
流七里逕小龍華山

謹案大小龍華山在州西三十里今亦呼爲華蓋  
山

又東流十五里逕南口子門

世宗憲皇帝泰陵南垣內則有泰寧山水自麻谷莊東流入西口子門自西北來注之

遼史地理志易州有泰寧山 二統志泰寧山在易州西五十里峻嶺崇山遠拱於外靈巖翠岫環衛其間前則白淵河旋繞而清澗沙滋水會之後則巨馬縈流而胡良琉璃大峪諸水會之信天設之吉地也 畿輔通志攷其縈河延袤千里計所

滙納襟帶百川

謹案易志於莊溪下云舊志州西南五十里有水從紫荆關南流入白澗畿輔通志云自紫荆關流逕州南下流入白澗口則是中易水有白澗之名也據一統志則北易水亦有白關之名以東口子之東有南北二白澗社故也此二白澗在易州西與中易水所逕寨子村東之白澗有別涑水縣志白澗距城西北二百里卽此白澗矣亦謂之山

後白澗然則一統志所云白澗繞其前者爲北易水無疑

又東流出東口子門又東流十里至北石門則有上岳各莊河下岳各莊河合入之又分水嶺河又有沙峪口水黃蒿峪水俱來入之

謹案上岳各莊河源出易州之營房寺東南流逕北石門又東南流逕至苑兒王福地與下岳各莊合長十里下岳各莊河源出易州奇峯口東南流



逕黑沙坨入北易水長二十里分水嶺東小河源  
出易州之馬家溝東南流逕

行宮南又東流逕龍興寺北又東流凡十二里北入易  
水真武廟前小河源出易州沙峪口逕北石門又  
流逕石門店村南入北易水上黃蒿河源自黃蒿  
峪流至石門店村南入北易水

又東流逕荆軻山下則有白楊泉水自北流注之

方輿紀要荆軻城在荆軻山下又南二里爲樊館

山白楊嶺在易州西北四十里嶺多白楊樹俗訛  
爲白羊 二統志源泉水在易州西北舊志在州  
西北十里源出白羊嶺由西轉東而南入易水  
謹案白楊水於乾隆二十六年濬治

互詳隄防  
水利卷

高宗純皇帝賜名安河其水自白楊嶺發源南流二里逕孫

家店又南流五里逕韓家莊又南流四里逕山廠  
又南流五里逕亢各莊又南流三里逕石莊入北  
易水長十九里是年總督方觀承奏濬安河事宜

據易州知州黃司潤在於州城西北隅白楊嶺下  
勘有源泉中道其地卽名源泉村則白楊泉水卽  
爲源泉統志所云是也第考水經注易水又東  
與瀟水合出故安縣西北窮獨山南谷東流與源  
泉水合水發北溪東西北注瀟水瀟水又東南逕  
樊於期館西又東南流逕荆軻館北又云瀟水得  
白楊水口注疑作水出遼縣之西山白楊嶺下東南  
流入瀟水時人謂虎眼泉也則是源泉與白楊水

自是兩水一發北溪東一出白楊嶺下一西北注  
一東南流判然不同方輿紀要白楊嶺下不詳白  
楊水而於定興之道關河則曰與易州之梁村水  
白楊嶺下馬跑泉水合流入巨馬河又定興之五  
里河云自易州白楊嶺流入豈五里河卽白楊水  
耶而於源泉則云在州西北八里南流注於易水  
其言西北是已而以爲南流則與水經注西北注  
之文又異易州志白楊水在州治南三里源發白

楊峪謂之虎眼泉則是據水經注文也而以為南  
則又異矣又所云源泉與一統志同蓋據紀要之  
文也而以為由西轉東而南則取水經注水發北  
溪東西北注之文而彌縫之也古今水道之不同  
固有不能盡據舊說者矣

又東流三里逕易州城南又東流十五里逕東于堡  
則有駱駝灣之水南逕州城東五里亦陷五里河自  
西北來注之

易州志五里河在州東五里發源梁村逕范村南  
流入易水

謹案五里河卽良村河源出易州之駱駝灣南流  
十二里逕良村又南流四里許逕易州城東五里  
又名五里河又東南流四里逕石莊又東南流五  
里逕范村又東南流二里逕東于堡又東南流三  
里入北易水長三十里方輿紀要以五里河屬定  
興發自白楊嶺畿輔通志以白楊水流逕易州南

三里與五里河合一統志云至定興縣界合源泉  
水入易水攷此河以逕流易州城東五里得名不  
在定興縣界又與白楊嶺水各出下流乃合同入  
北易亦非卽白楊水也

又東流十四里逕長安城南

謹案河自孟津嶺東流五里逕大龍華山又北里  
逕小龍華山又三里逕西管頭又七里逕風水壩  
又四里逕半壁店又一里逕三义口又二里逕百

泉又一里逕小良各店又七里逕南石門又四里  
逕徐家場又十三里逕固村北去州治五里又三  
里逕斗城又五里逕北堇村又三里逕東臺又二  
里逕北城又二里逕楊威城又四里逕長安城共  
長七十八里

又東流逕保定府定興縣西

金縣故  
曰范陽

石柱橋下又東

流三十五里抵河內村下合中易水會流於河陽渡  
與新城容城二縣分水淶水自東北滙焉統名之曰



白溝河

漢書地理志涿郡故安園鄉易水所出東至范陽入濡也并州懷水亦至范陽入涑師古曰言易水又至范陽入涑也永經易水東過范陽縣南又東過容城縣南明史地理志定興西有巨馬河卽涑水也又易水自西來合焉謂之白溝河新城南有白溝河容城西有易水又有濡水易州南有易水出州境之西山與濡水並東流而爲白溝河

所謂北易水也。方輿紀要濡水在容城縣西自易州流入境亦曰北易水。邑志縣西南二十里有黑龍渡易水與鮑河合流處誤以濡水爲鮑水也。二統志濡水東南入定興縣界舊志在州北三十里源出州西北會數水入定興縣界爲沙河卽古濡水也。

謹案水經注云濡水又東逕范陽故城西北又東南流於容城縣西北大利亭東南合易水而入巨

馬水也故地理志曰濡水合渠許慎曰濡水入深

深渠二號卽巨馬之異名然二易俱出

句

一鄉去聲

同入句濡水

句

南濡北易

句

至涿郡范陽縣會

句

北濡

句

文並亂流入深攷道元所云二易卽北中

三易也若云同入濡水是北易中易兩水之外別

有一同入之濡水矣不成三水乎又云南濡北易

則又指中山國曲逆縣之濡也南濡烏能越徐曹

諸河至涿郡范陽會北濡且亂入涿耶酈不應若

是之誤也且南濡於滏水篇叙次甚明又引杜預  
曰濡水出高陽縣東北至河間鄭縣入易水是濡  
水與滏沱滏易互舉通稱矣則是所謂入易者亦  
指易之下流言之於南易爲近亦豈能至范陽會  
北濡且亂流入涑耶詳觀酈注蓋以自注濡水合  
易入巨馬水而地理志及說文止言濡水入渠而  
不言易水故又分別言之言中易出故安縣北易  
亦出故安縣是二易俱出也北易向東而入渠中

易亦同東而合而入渠是一向同入也所以申明  
入渠之文也而南北俱有濡水故又言濡水在南  
者謂之濡在北者又謂之易所以申明二易之文  
也北易卽是北濡故又言至涿郡范陽會者乃北  
濡也又並亂流入涑明其會范陽者非南濡且明  
其入涑者爲北濡也然則經注本易明了特行文  
簡與不詳句讀以二易水俱出一鄉爲句同入濡  
水爲句而又讀鄉作平聲於是道元負屈而水道

亦終於迷謬矣 又案水經注許慎曰濡水入深渠今刻說文云濡水出涿郡故安東入漆明朱謀埠箋水經注云古作入沫疑當作涑說文可據吳本改作涑攷涑水定興兩縣無漆水亦無沫與涑吳本是也朱據古本訂世刻之訛而所據者又爲訛本蓋不求其水之合而好爲異說則古本反不若改本之近理也

南易水者古雹河也亦名鮑河又曰瀑河源出易州

西南六十里郎山東之石虎岡

後漢書郡國志涿郡故安雹水出 水經注闕駟  
曰涿郡西界代之易水而是水出代郡廣昌縣東  
南郎山東北燕昭王仙臺東其東謂之石虎岡後  
漢書中山簡王之窆也山有所遺三石虎後人因  
以名岡之東麓卽泉源所導也經所謂閭鄉曲其  
水東流有瑟水南會渾波同注俗謂之爲雹河  
隋書地理志上谷郡永樂有郎山 方輿紀要狼

山謹案遼史作狼山在州西九十里羣峯聳踞狀如狼牙

石獸岡在州西南六十里亦曰石虎岡謹案唐人諱虎故改

爲石獸岡寰宇記襲之遂相沿不改當從水經注爲是雹水出於此亦名鮑

水或謂之南易水畿輔通志雹水一曰瀑河亦

曰鮑河卽南易水也

謹案滋水今無攷據酈注則是雹河卽滋水詩衛

風飈彼泉水亦流于淇毛傳泉水始出滋然流也

水經注濕水篇敦水又東滋水注之渭水篇黑水



入瓦亭川滋水自西來會蓋水之無名者酈皆以  
滋名之此所云滋蓋亦無名之水也而畿輔通志  
又云雹河源出石獸岡灌河入之今亦無此水豈  
卽滋水耶又畿輔通志三易惟南易自爲一派以  
出易州曰武曰濡曰雹互擷通稱謂之易水南易  
水不見漢志卽雹水之名亦出於司馬彪註而酈  
道元又以爲易水東流滋水南會渾波同注俗謂  
之爲雹河則南易水之源固非卽雹也亦猶中易

水經武陽城得武水之稱經故安城得故安河之名耳酈又云易水逕縣南鄭縣故城北東至文安縣與庠池合引史記蘇秦語以証之謂班固關駟之徒咸以斯水謂之南易關駟十三州志今已失傳班固或是班彪之訛然沔水之名始見彪志亦未嘗云南易豈酈所見之書爲今本所無耶未可知也又攷寰宇託磁州武安縣下引水經注云洛水出易陽縣西山洛州永年縣下云風土記云南

易水本名漳水趙地記云六國時此水名易水埤  
蒼及水經云洛水之目不知誰改俗謂山下之地  
名洛因經之故曰洛水燕趙記云其分有三易漳  
爲南易則是南易之名不特雹水其所引水經注  
亦當是佚篇未必樂史僞撰也又郎山有二在易  
州西南者爲南易水所出徐水亦逕其山南一在  
唐縣西者爲滏水所經或作根山亦作狼山水經  
注滏水又東左會一水水出中山城北郎山阜下

亦謂之唐水也然於城非西在

註疑作北

又名之爲雹

水又兼二名焉西南流入滄並所未詳蓋傳疑耳

則是狼山之名旣同却又同有雹水之稱彼此應兩存疑以傳疑是也或疑其混二山爲一而以爲

唐水有雹水之稱過矣又案九域志安肅軍下

引水經注云易水出代州廣昌縣西南至古河陽城昔燕太子丹送荆軻於此以郡爲州以東南爲西南疑是傳寫之訛所引水經注亦與今本異又

古河陽城未詳定興有河陽渡非城也且是來易沙三水合流處或以河陽城卽荆軻城以荆軻爲河陽亦未知何據且南易水不經荆軻城闕疑可也

屈曲東南流二十里逕孔山北又屈曲東南流二十里逕城陽村則有西攷山之水東南流注焉

水經注易水又東逕孔山北下有鐘乳穴入穴里許渡通流注其深可涉於中衆穴奇分上又有大

孔壑達洞開故以孔山爲名也 元和郡縣志孔

山在易州西南四十五里

謹案方輿紀要明統志俱作五十里

易

水志孔山巔有三孔狀如星月又名星月岩穴有

鐘乳又名乳山

謹案孔水原出易州西七十里之乳水洞一統志

水上有石槽十二每歲正月十六日自西至東鄉

民循次而占某月旱則某槽無水某月雨則某槽

有水多奇中西攷山水源出州西南四十里之西

賢山東南流逕三星石又東南流逕了水村又東南流逕成陽村凡二十三里入於南易水考西攷山之名不見記載方輿紀要一統志皆以黃伯陽洞係之孔山洞中東西二水相隔世以在霍水東岸者爲孔山其隔河一水直孔山之西北人卽以西孔山目之西攷者西孔之訛也或以爲西攷山水卽水經注之蒞水攷水經注以南易水導源石虎岡明云經所謂閭鄉曲其水東流有蒞水南倉

渾波同注俗謂之爲雹河不言山孔山也下乃云  
易水又東逕孔山北則是先有澁水而後有孔山  
穴中之水也易水志於黃伯陽洞則云在州西南  
八十里第云洞分東西中有小水二丈許於雹水  
則云在州治西南六十里經黃伯陽洞前東流一  
名澁水而於孔山則又云在州西南五十里以州  
西南八十里之伯陽洞而屬之州西南五十里之  
山已爲可疑而於州西南六十里之雹水反逕西



南八十里之伯陽洞則愈西南流矣猶得謂之東  
流乎不足據也至或因石虎岡以所遺石虎而名  
遂據中山簡王傳大修塚營發常山鉅鹿涿郡柏  
黃腸襍木之文謂黃伯陽爲黃伯陽之訛豈岡遺  
石虎而洞尚遺黃柏之腸耶且於水道何關不辨  
可也

又屈曲東南流三十六里逕范村南入安肅縣

戰國時燕

武遂城漢置

西北境

明史地理志安肅縣易水在北 方輿紀要鮑河  
在安肅縣西北自易州入境 一統志安肅縣在  
保定府少東五十里

又東南流十六里逕回城村曲水河自縣西北之釜  
村東流入焉今無水又東南流十四里逕遂城村是  
名武遂津

水經注易水又東流屈逕長城西又東流南過武  
遂縣南新城縣北俗又謂水爲武遂津 太平寰

宇記南易水歷縣界燕時謂之武遂津

謹案武水河在安肅縣西四十里首起縣西四十  
五里之釜山村東流十二里逕曲城村入於雹河  
卽曹河源也水經注所謂曹河澤高陽記所謂曹  
水出釜水者也今源泉淤廢向之下流東南出者  
無迹可考惟存東流乾溝而已詳見府河篇曹河  
下又九域志引邢之勵高陽記漕水出溢山嘴在  
今安肅縣境而涑水縣志載縣西北有溢山之王

祠則與安肅境殊竊意潛水出淦山舊記故應不妄皆淦水縣之金山當是異地而同名矣

又東南流十六里逕姜女廟南分一支東出爲支津

支津別見其西支又東南流逕安肅縣城北

九域志景德元年改安肅治安肅縣〔北使錄出

安肅軍北門十五里至白溝河

謹案此以南易水爲白溝蓋宋引易

水爲界河下合白溝故云爾

二統志雹河自易州流入逕安

肅縣北門外 安肅縣志鮑河卽雹水今之南易

也在縣北關外

謹案明史地理志安肅下云易水在北曹河在南  
徐河在西西南又有鮑河今鮑河逕北門外未嘗  
在西南也又旣以易水鮑河分爲二則易水爲指  
北中二易言之方輿紀要安肅縣易水在縣北自  
定興縣流入境又東入容城縣界卽白溝河也易  
水自定興縣界流入容城卽至雄縣歸定河何曾  
至安肅界乎又云鮑水在縣西北自易州流入境

又南昌水在縣西輿地記云南昌水東流過梁門  
去縣西二十里今縣西無南昌水豈又卽南易之  
訛耶

則有雞爪河自定興縣南流入縣境會萍泉河南流  
以時

謹案雞爪河在安肅西北十里其源有三皆出定  
興縣西南東一泉出陳村西南流五里合於李家  
莊泉中一泉出李家莊西東南六里合於陳村泉

二泉會而東南流四里又有西二泉一出桃村店

南一出馬家莊東二泉會而東南流六里逕閭營

廟合而東南流入於安肅縣北境之申家莊又東

南流十里會萍泉河萍泉河源出縣東北二十里

之萍泉分爲二流自泉而南者西南流十六里會

雞爪河又北流五里逕縣城南關外入於雹河自

泉而東者東流入容城縣西南境胡渠溝

以胡渠村名

入焉又東南流龔家溝

以龔家村名

入焉又東南流入

新安縣境入於雹河

又東流十五里逕吳邵村入容城縣西南境又東南流十八里逕黑龍口

太平寰宇記容城縣南易水在縣南 一統志雹河又東南逕容城縣南二十里 容城縣志易水在黑龍口南連安州西接安肅延袤五十里

謹案方輿紀要云易水在容城縣南自安肅縣流入境是已又云復東北流逕新城縣境又東南入



雄縣界亦曰白溝亦曰巨馬河則直是北中二易水之道而非南易也下復引水經注易水逕容城縣北又東渥水注之今渥水湮廢久矣雹河亦名南易水則仍是南易殊欠分曉又河道起縣西南之西牛營東南流逕王村小李村至黑龍口出境長十八里縣志云延袤五十里蓋連接安肅安州之境而言也乾隆二十八年自姜女廟口起至容城交界止開濬長四千五百丈民間物產貿易自

定興縣北河直抵姜女廟百姓稱便

入安州東北境又東南流入新安縣西北境逕三臺其分支爲新引河

二統志雹河又東南逕安州北二十里三臺城在

新安縣西 太平寰宇記三臺在容城縣南三十

五里城冢記云燕魏二國分易水爲界

謹案方輿紀要改作

燕趙是也魏地不得至此

新安縣志新河在城北二十里自

三臺西黑龍口起至南河頭隄根止約長三十里

上分雹河水勢兩頭中間建閘三座以時蓄洩

〔謹案〕新引河雍正四年開起縣西北三十里之三臺村雹河東岸東北流十里逕張家莊大澱淀之水北流入焉又東十里逕于家莊又東流五里逕西陽村又東流五里逕小陽村大陽村入於燒車淀

又東南流二十里逕襍淀與依城河會爲長流河合大澱淀殷家淀之水而入於西淀

下詳府河清河

明史地理志新安西有長流河一名長溝河其上  
源爲鮑河南有漕河又有徐河經縣南合流爲濶  
義河又南與長流河合又東南入於瓦濟河二  
統志霍河又東逕新安縣西南與依城河合爲長  
流河舊志霍河自易州西南發源東南流歷安肅  
容城安州界至新安縣西南五里爲長流河一名  
長溝河至縣南三里又曰梁頭河自此滙諸水入  
雄縣界穿蓮花淀會高陽河至縣西南與白溝合

抵瓦濟門爲瓦濟河今故道變易自淀東過易陽  
橋主雄縣東南二十五里合玉帶河又至縣東南  
三十五里與清河合曰三汊口又東入保定縣界

畿輔通志雹河由新安之黑龍口歸襍淀新安

三面皆水惟城北爲乾土而地處容城下流雨潦  
南下則大澱淀一帶盡爲鄰壑雍正三年怡賢親  
王於三臺村引雹河經小王營尚村之北至南河  
頭入燒車淀南岸築隄建閘以時節宣隄內大澱

淀遂成腴田

謹案長流河一名長溝河在新安縣西南五里其  
分支在縣東五里之張家莊爲稠河一名試牛河  
其上流有二皆自安州來曰依城河入縣西南界  
東北流三里入襍淀分支北流合雹河入縣西北  
界東南流三十里逕縣治西南會依城河又東流  
五里環縣城而東流十八里逕郭里又東流三里  
復會於依城河襍淀在新安縣西五里周三十里

新安縣志云雹水蘆草灣之所積也

蘆草灣今名蘆草窪

大

澱淀在新安縣西北五里周四十里卽水經注大

渥澱也南流入於長流河雍正四年開導引水以

爲營田殷家淀在新安縣東三里卽水經注小渥

澱也又方輿紀要易水源出保定府易州西山谷

中樂史云易水有三源流逕易州南三十里者中

易水出州西北三十里窮獨山者謂之濡水亦曰

北易水出州西南六十里石獸岡者謂之雹水亦

曰南易水中易水流逕定興縣西亦謂之白溝河  
涑水縣之巨馬河流合焉自是易水兼有白溝河  
巨馬河之名宋人引之與遼分界又有界河之名  
又東逕安肅縣北及容城縣北濡水流合焉所謂  
北易水也又逕新城縣南亦曰巨馬河

謹案易水下經新城

縣因水經注有亂流入涑易水與諸水互

懋通稱之文而遂以巨馬河爲卽易水也

北及順天府霸州之北良鄉縣之琉璃河固安縣  
之盧溝支河皆合流焉

謹案自雄縣以下皆涑水所行之道而北中二易合



之者也詳  
涿水篇

又東逕東安縣及永清縣南入武清縣  
之三角淀又東南至直沽與衛河合達於海此易  
水之東出者也其南易水自安肅容城縣南又東  
逕安州北曹河徐河石橋河一畝泉河滋河沙河  
雅兒河唐河與易水共爲九河合成一川統名易  
水東至雄縣南亦名瓦濟河又東厯河間府任邱  
縣北霸州之保定縣文安縣南引而東合於滹沱  
河同注於海此易水之別出東南流者蓋易水之

源並出於易州而其源自不相亂或曰易水或曰  
故安河則推其本而言之也或曰拒馬河或曰白  
溝河則從其流而言之也其於南易水或曰滋河  
沙河唐河則因其所匯合之川而言之也宋何承  
矩議引易水爲塘埭旣可以限敵騎又可以和耕  
民然自宋人引水作塘之後而川流之故道益亂  
矣或曰易水本無正流附合支川以達於海故自  
漢以來言易水源流者多未得其詳云顧氏叙三

易源流較他書爲明晰然其言北中二易經安肅  
新城則二易水南不屆安肅北不抵新城也推其  
本名又失中易有武水之一名其言南易則從俗  
說歷數九河而安州以下又遺却新安新安爲南  
易入淀之要道安州以南之水皆滙於此寧可忽  
也故備錄原文而詳論之至其末所引或說則尤  
爲無據也

畿輔安瀾志

臣王履泰恭纂

易水卷下

故道

北中易二水故道合於定興縣南之河陽渡三河會流曰北河下經容城縣之北曰白溝河

〔畿輔通志〕河陽渡係涑易沙三水會流處俗曰北

河

〔諸案〕涑卽巨馬河沙卽道欄河

東逕古易京城南

永經注易水又東逕易京南漢末公孫瓚害劉虞  
於薊下時童謠曰燕南垂趙北際惟有此中可避  
世瓚以易地當之故自薊徙臨易水謂之易京城  
在易城西四五里 太平寰宇記涿州歸義縣易  
水在縣南易京城在縣南十八里其城南臨易水  
譚案雄縣漢易縣屬涿  
郡唐置歸義屬幽州 遼史地理志涿州歸義  
縣本漢易縣地民居在巨馬河南 二統志易京

城在雄縣西北

又分流逕雄縣西南會清河又東流入霸州境會永定河又東北折流逕東安永清二縣城南

方輿紀要易水在東安縣南舊易水過安次縣界爲固安河今與巨馬河同爲一川矣巨馬河在永清縣南自霸州流逕東安縣境又東入縣界而注於武清縣之三角淀爲盧溝河及易水之下流也謹案此是盧溝之水挾巨馬河東南之一支所衝

決而滙流者也其故道不可復識

又東逕靜海縣西北爲潮河由天津以達於海

二統志古界河在靜海縣西北亦曰潮河古爲滹  
沱易水巨馬三水滙流處自文安縣流入合御河  
朱遜以此分界故云

謹案文安在靜海西達靜海則達於天津以入海  
矣一統志所謂自文安流入者蓋指會滹沱之一  
支也

南易水舊自安肅縣西北容城縣南境東與漚水合  
下入高陽縣境其所會之處卽渥洞口也（永經注俗作渥同）  
謂之渥易水

永經注易水又東渥水注之其水上承二陂於容  
城縣東南謂之大渥澱小渥澱水南流注易水謂  
之渥同口水側有渾渥城易水逕其南東合漚水  
故桑欽曰易水出北新城北東入漚自下漚易互  
受通稱矣 太平寰宇記南易水在容城縣南流



入瀛州高陽縣界與滹水合流 新安縣志渥易  
河謂渥與易二水所合也俗稱溫義河者卽此在  
縣西南五里原自清苑一畝泉安肅徐河唐河方  
順河東至安州大橋北一股爲長流河南一股爲  
渥易河東通瓦濟河入於海

謹案水經注渥寔字記作泥金史地理志泰和四  
年改渾泥城爲渥城屬安州宋史何承矩傳契丹  
數窺邊城承矩遣數千卒出渾泥城襲之又作泥

方輿紀要謂寰宇記訛渥爲泥或以爲水經注舊  
本渥作望渥渥字形相似故訛作渥要無關於水  
道可以不辨第渾泥城史有之矣而泥易水則未  
之聞也今據水經爲渥從其雅者又張可舉新安  
縣志辨疑引書註疏云易水東注渥水渥水卽水  
經注所謂大渥澱小渥澱者也恒水東合澹水又  
東合於易衛水東合滹沱東北合於易蓋易卽渥  
得易而擅易之名也今猶名渥易河社名易陽社

禹貢止撮恒衛二名該易滹沱沱在其中據張氏  
說則以恒衛爲滹與滹沱其說舊矣已辨見前滹  
沱卷其所引書註疏則尤爲無據也

一支自安肅縣南安州北與府河會俗所稱北九河  
者也

金史地理志安州高陽縣有徐河百濟河

詳案百濟河

瓦字之訛

明史地理志安州北有易水府境九河之

所匯也下流至雄縣爲瓦濟河方輿紀要易水

在安州北府境曹河徐河石橋河一畝泉河滋河  
沙河鴉兒河唐河與易水爲九河合流於此統名  
爲易水至雄縣南而爲瓦濟河舊志云瓦橋關當  
九河之末是也 沈括夢溪筆談瓦橋關素無關  
河爲阻仁宗時六宅使何承矩守瓦橋始議因波  
澤之地臨水爲塞慶厯中內侍湯懷敏復踵爲之  
熙寧中又開徐村柳莊等澳皆以徐鮑沙唐等河  
叫喉雖距五眼等泉爲源東合漈沱易白等水并

大河於是自保州西北沉遠潏東盡滄州尼姑海口凡八百里悉爲豬潏自是倚爲藩籬

其來會之水曰曹河澤

澤卽曹河源已見原委

由安肅縣之田

城村注之曰梁河于安州善馬廟北注之曰劉家淀

逕安州西二十里注之曰淘河

以上並詳府河

今起姜女廟

逕安肅縣城南與曹河別流不復相通東北注於蒲

草窪又東北入於維淀與正支合

明統志梁河在保定府城東三十里源自唐河分

流東過安州入於海劉家淀在安州城西二十里  
源自清苑縣之石橋河一畝泉河至州西匯而爲  
淀北流入易水 方輿紀要洶河在安州東易水  
東出之別支也或曰宋人以塘泊爲邊備往往疏  
濬以防淤澱故沿邊諸河皆曰洶河

下入新安縣曰長流河三岔河四角河又東逕任疏  
縣北雄縣南曰瓦濟河

明史地理志新安縣西有長流河任邱縣西北有

瓦濟河下流爲五官淀注於滹沱河雄縣南有瓦  
濟河方輿紀要趙堡口在任邱縣東北五十里  
易水流逕此或曰卽宋時唐興口也舊志莫州去  
雄縣四十里易水爲分界處自安州而東會九河  
之水經州北十五里一名瓦濟河亦曰白溝河又  
東會於五官淀新安縣志三岔河在縣南六里  
畿輔地圖記四角河在任邱縣西北五十七里  
一接高陽河一接長流河一接白溝河之一支流

過趙北口柴伙淀入玉帶河

繞城東北曰雄河

二統志雄縣城之周圍曰雄河 畿輔通志雄河

在雄縣南三里自安州易水卽依城河分流周圍

環縣城經瓦濟門卽護城河也亦曰瓦濟河

又東逕霸州南保定縣北會清河曰玉帶河自下三

易水會流於此又合南北諸水故有會同之名

畿輔地圖記保定之水如涿如易如徐皆合於任



邱縣趙北口之四角河又東至保定縣爲玉帶河  
一支東自高陽縣東南流逕河間府獻縣西北之故  
中水城中水城辨見溥沱篇分流入於河間縣西境  
元史河渠志古陳玉帶河自軍司口浚治至雄州  
歸信縣界以導淀樂積潦注之易水

謹案方輿紀要河間縣滹水在城西卽易水支流  
也則似滹水源於易水矣當云合滹水支流爲是  
又云亦自安州高陽縣境分流經此又北流入任

邱縣界仍合於易水則又似滹與易既合而分至是仍合也且自安州高陽縣來者當爲易水不當爲滹水皆誤也

又北流逕任邱縣北之鄭州城又東北流入文安縣界入於東淀又東北流逕文安縣西會滹沱河

水經易水又東過安次縣南

謹案漢書地理志安次縣屬渤海今東安

縣

酈注易水逕縣南鄭縣故城北東至文安縣

與滹沱合史記蘇秦曰燕長城以北易水以南正

謂此水也是以班固關駟之徒咸以斯水爲南易  
太平寰宇記莫州鄭縣易水在縣北二十里東  
入文安縣合滹沱水滹沱河自高陽東流逕鄭縣  
南二里至莫金口分界又東入文安界 一明史地  
理志文安縣西有易水 方輿紀要易水在文安  
縣西自保定縣流入境卽沙河諸水下流也

又分流逕大城西北境入於武清縣之三角淀達於  
海

方輿紀要黃汝河在大城縣東北八十里卽易水下流自文安縣分流入境又東北入武清縣之三

角淀

謹案黃汝河本滹沱支流往時易水會入滹沱故紀要以爲易水下流

謹案宋史王能傳咸平中知靜戎軍建議決鮑河斷長城口北注雄州塘水爲戎馬限方舟通漕以實塞下河渠志真宗延平四年知靜戎軍王能請自姜女廟更決鮑河水北入閭殿淀又自靜戎之東引北注三臺小李村其水溢入長城口而南又

壅使北流而東入於雄州五年順安軍兵馬都監  
馬濟復請自靜戎軍東壅鮑河開渠入順安軍又  
自順安之西引入威虜軍置各路營田於渠側濟  
等言役成可以達糧漕隔遼騎帝許之獨臨臺淀  
稍高恐決引非便不從其議因詔莫州部署石普  
並護其役踰年功畢攷以上南易水上會漚水下  
達潯沱之舊道也今唐河自祁州三岔口下爲潯  
龍河由安州東入白洋淀久非故道而潯沱河別

爲子牙河文大之間築長隄以限之皆不與南易水相通然舊籍具在猶可推尋也 又案漢志謂

滹水東至文安入河山海經說文皆云東入河郭

璞註滹水過博陵南東北入易水經爲東北入易

水酈謂東北至長城注於易沽水篇云清淇漳洹滹

易涑滹沽滹沱同歸於海今滹沱篇已失亡禹貢

雖指據寰宇記補之

詳見前  
滹沱篇

蓋易水與滹沱交流

於河間高陽大城之間至文安而始合其後別流

皆非故瀆矣 又案水經瀍水東北入易道元注  
易水篇又曰易水東合瀍水故桑欽曰易水出北  
新城北東入瀍或以此一言可定水經非桑欽所  
撰夫自易言之則曰入瀍自瀍言之則曰入易原  
不妨互文以見瀍易之通流第瀍水東北入易水  
經之文也而易水之入瀍則經於易水無此文道  
元注忽又何據而稱桑欽所云是則經有闕文後  
世所刻非完經也至於濡水東入博水水經注始

有自下博水兼濡水通稱之文原非謂博卽是濡  
一水兩名又云杜預曰濡水出高陽東北至河間  
鄭縣入易水是濡水與滹沱滹易互舉通稱矣此  
正是言南濡入南易卽是入滹沱滹易又引地理  
志曰博水至高陽入河此正是言博水入河卽是  
濡水入易所以明其互舉通稱也或疑其以南易  
當南濡而與北濡相混酈注博水又東北左則濡  
水注之水出蒲陰縣西昌安郭南並非混指雹河



且南濡北易北濡之文早已見之易水豈至叙滹  
水而卽忘之皆不可不爲酈注辨也

附載

女思谷水今無考

〔水經注〕易水又左會女思谷水水出西北女思澗  
東北流注於易謂之三會口 〔二統志〕女思谷水  
在易州西南

礮石山水今無考

〔水經注〕易水又東與礮石山水合水源西出廣昌  
鄉縣之礮石山東流逕覆釜山下東流注於易水

三統志礬石山在州西南五十里其東爲礬石水

謹案方輿紀要於保安州礬山水下引上水經注文又云蓋卽涑水之上源也則是以保安州之大礬山小礬山與易州西南之礬石山混爲一也攷保安州之礬山水入桑乾易州之礬石山水入易自是兩水且礬石山水亦並非涑水之源也辨見桑乾河涑水篇

源泉水

水經注濡水東流與源泉水合水發北溪東南流  
注濡水

謹案源泉水今以爲卽白楊泉水攷水經注自是  
兩水辨見前原委卷白楊泉水下

濡水枝津今無考

水經注易水又東逕武陽南左得濡水枝津故瀆  
濡水又東逕范陽城西北舊竭濡水支流南入城

逕相冢西冢亘城側卽水塘也

謹案濡水枝津卽北易水之分出與中湯水合者也亦卽古源泉水之分支久已斷流故酈以故瀆目之

金臺陂水今湮

永經注其水之故瀆又分而爲二瀆一水東注金臺陂

太平寰宇記金臺在易州東南三十里

方輿紀要圖經臺在易水東南十八里 明史河

渠志保定巡撫汪應蛟言易水可溉金臺

渾塘溝水今無考

永經注濡水自堰又東逕紫池堡西屈而北流又  
有渾塘溝水注之出道縣西白馬山南溪中東南  
流入濡水 太平寰宇記白馬山在易縣北八十  
里 二統志渾塘溝水在易州北

聖女泉今無考

永經注濡水又東至寨口古疊石堰水處也濡水

舊枝分南入城東大陂陂方四里今無水陂內有泉而不流際池北側俗謂之聖女泉

謹案聖女泉或以爲卽紫池攷水經注逕紫池堡入渾塘溝水後又東至塞口得聖女泉則聖女泉非卽紫池水也一統志聖女山在易州北五里俗名覺山下有聖女泉涿州志紫池在州西南十五里近紫池堡則聖女泉於易水爲近而紫池於涑水爲近又水經注第言瀟水所經之地爲紫池

而不詳言紫池而於涑水之紫石溪口則詳言紫水又以為北出聖人城北同以紫名同以聖稱後人遂以入涑之紫水為易水所經之紫池是不特混紫池紫水為一而涑易先無別矣

### 檀山水

永經注濡水東合檀山水水出遼縣西南南流與石泉水會

謹案一統志以為卽遼攔河



石泉水

水經注石泉水出石泉固東南隅水廣二十餘步  
深三丈固在衆山之內平川之中四周絕澗阻水  
八丈有餘水之不周者路不容軌僅通人馬謂之  
石泉固其水南流注於檀水故俗有并澗之稱矣  
其水又東南流歷故安縣北而南注濡水元和  
郡縣志涿水縣石泉故城在縣西北三十里

舊運河

定興縣志江村有舊運河人家往往得敗船諸物  
謹案此卽宋時餉邊之運河也詳見前原委卷黑  
龍口下今北河流逕江村之北舊時相通之道  
范陽陂水卽鹽臺陂在安肅縣北今湮

〔永經注〕易水東分爲梁門陂水上承易水於梁門  
東入長城東北入陂陂水北接范陽陂陂在范陽  
城西十里方一十五里俗亦謂之爲鹽臺陂

謹案一統志引舊志云定興縣西南五十里閭臺

之西有狼兒淀地形窪下郎山之水潴爲下流爲  
曲水河至安肅縣西入雹河蓋卽鹽臺陂閭臺乃  
鹽營之訛也又有雞爪河亦自閭臺平地湧出三  
五不一分流形如雞爪繚閭臺逕安肅入雹河蓋  
卽陂水之南通梁門爲范水者則是范陽陂雖湮  
而水流猶在雞爪河卽范水矣然范水久無可考  
至范陽陂在今定興縣南安肅縣北而曰下舊聞  
乃採入順天府非也

梁門陂一名梁門淀在安肅縣東北今涇

〔水經注〕武遂津北對長城門謂之分門亦曰分水  
門又謂之梁門矣鹽臺陂水南通梁門淀方三里  
謹案寰宇記南易水歷遂城縣界燕時謂之武遂  
津又東流過梁門引水爲陂塘以溉田輿地記南  
易水東流過東梁門去安肅縣二十里其言皆與  
水經注合

范水在涑水縣東南其上源已斷下卽曰溝河也

水經注梁門淀水東南流出長注易水謂之范水  
易水自下有范水通目又東逕范陽故城南卽應  
劭所謂范水之陽也

謹案漢書地理志涿郡有涿縣范陽縣應劭所云  
范水之陽是漢范陽縣非今之涿州也名勝志明  
史地理志方輿紀要皆以爲范水在涿州南不知  
曹魏所改者郡也非縣也郡治涿兼領范陽其後  
古范陽屢徙而唐移其號於涿初不因水名也故

酈道元云應劭曰涿郡故燕漢高帝六年置其南  
有涿水蓋氏焉闕駟亦言是矣今於涿城無水以  
應之惟西南有是水矣是則酈於涿水無考而欲  
以涿縣故城西南之桃水當之也如又以范水爲  
在涿州之南豈桃水又卽范水也又酈云聖水自  
涿縣東與桃水合首受涑水於徐城東南良鄉西  
分涑水世謂之南沙溝卽杭水也東逕迺縣北朱  
謀瑋箋註孫曰涑水當作桓水下同杭水疑作范

水涿之爲范陽郡蓋亦取於此迺古道字則是涿  
又疑有范水也然杭字字形疑爲桃字之訛未必  
定爲范也據水經注不叙范水第云淀水東南流  
出長注易水謂之范水則范水卽梁門淀又云易  
水自下有范水通目則范水卽易水是在酈常目  
范水已無定指必欲求一水以實之轉爲失實矣

### 日照泉

〔一〕統志柳山在易州東十里又東五里有翠屏山

山之半石窟有日照泉雖旱不竭

五龍池

易水志一名蓮花池池通源泉水在縣西關外明景泰四年知縣王鑄疏之

龍王井

易水志在州治西龍王廟前與源泉水通水極寒冽

神井



畿輔通志在易州南城上火神廟內其水面與地

平

石井在涑水縣西北三十里

方輿紀要紫涼山其並峙者曰龍官山中有石井

泉流潛相灌注

龍潭在涑水縣西北金山

龍湫

二統志石龜山在涑水縣西二十里山巔有石其

狀如龜內有岩四容千人下有龍湫山左一洞深  
不可測相傳外狹內寬可通廣昌

趙曠川

方輿紀要安肅縣北有趙曠川舊爲戍守處 宋  
史河渠志自邊吳淀望趙曠川長城口乃契丹出  
入要害之地

## 隄防

舊城土隄在易州城外明景泰元年築嘉靖二十年  
兵備李文芝萬曆六年巡撫孟重重修

廠西護城石隄明嘉靖三十八年建萬曆間重修

廠西石隄在易州城西石橋北明成化四年建萬曆  
十八年重修

三官廟石壩在易州西北五里

易水志舊有土壩明成化四年王詔引源泉入廠

築此歲修歲衝萬厯五年兵備高文薦主事曹昉  
建

三官廟新石壩乾隆二十六年濬治源泉河成

即安河

重建石壩長十七丈高六尺底寬八尺頂寬三尺水  
槽村西小石壩長三丈四尺高六尺底寬八尺頂寬  
六尺厰城石壩在城西南長二丈六尺高六尺底寬  
八尺頂寬三尺均以防安河之水

總督方觀承修濬安河事宜奏畧據易州知州黃

可潤在於州城西北隅白楊嶺下勘有源泉一逢  
水脉頗旺其地卽名源泉村由村東向南行數里  
入於沙灘伏而不見訪問土人從前曾在沙灘之  
北三官廟西築壩鑿渠引水東注中貫厥城以達  
於州環城爲濠由城西南石閘放歸易水入河迨  
後壩毀渠塞泉水仍由故道滲入因將渠道壩址  
復加察勘自白楊嶺下三官廟舊壩以上并城濠  
四面淤墊無多於農隙勸用民力疏濬尚易又州

城東西關跨濠石橋並濠西南放水石閘俱尚完  
整無庸籌辦惟三官廟西舊廟殘廢已久應重建  
石閘一座隔截沙灘壩東舊渠衝壞應市移數丈  
別開新渠一百十八丈導入舊渠其舊渠自土地  
廟以下由廠城至城濠間段疏濬即可一律深通  
又木槽村西及廠城西南乾河溝三處應各築小  
石壩攔截俾無旁洩如此經理則水到之處不特  
田疇蔬圃均資利澤而繞郭深池亦符體制所有

應建石壩除將舊石添用共估工料銀一千九百六十一兩零共需用二千七百九十四兩零清河道庫貯有歲修一項應請於此動撥興修

謹案石壩舊志雖以爲建於明代然水經注云濡水又東至塞口古壘石堰水處也則其遺跡舊有之矣

### 東西石閘

易水志東西石閘西關外舊有土壩明成化四年

晉書卷之九  
築萬厯十八年巡撫項德改爲石閘每閘三板雨  
啓晴閉今圯

謹案二閘今惟存形跡石料俱無又州城西關北  
山厰西關俱有涵洞一座護城西南有放水閘二  
座尚完整

滾水壩在安肅縣西北姜女廟前乾隆二十八年總  
督方觀承奏建

奏畧瀑河正支二股應於姜女廟建滾水石壩二



座使泛漲有餘之水由此減入支河則驛道不致漫溢 又奏畧安肅縣瀑河於工賑內開挑自姜女廟至散水足長六十三里八分零底面尚覺少狹應均加展面寬一丈底寬五尺舊有橋五座一并寬展又自姜女廟上溯范村益加開濬則舟販可通計長二十里零應挑面寬二丈至三丈底寬一丈五尺至二丈深四尺散水口下入雜淀長五里零應酌加挑濬並芟除葦草以免淤塞 一新修

城北瀑河碑記瀑河至城北合雞爪泉穿石橋而  
抵客城入新安大淀顧北橋以東河身淺窄兼以  
跨河諸橋低窪湫隘舟楫不通沙泥日積故水至  
城西姜女廟口不歸正派而入支河遂繞城而南  
而東每春夏漫衍若寺角徐城林水等十餘村盡  
爲沮洳直抵蒲草窪乃入安州歸大淀自辛巳壬  
辰間水勢縱橫安州下流倒漾水無所歸遂泛濫  
於縣南三十里舖劉祥店以九省衝衢幾成澤國

因請發帑金令安肅容城新安畫疆修理橋令其  
高且廣水使之順而暢兩閱月而告成

易水河隄在容城縣境康熙九年知縣趙士麟重修  
長城隄一名黑盧隄在安肅縣東北

方輿紀要俗以爲秦將蒙恬所築誤也蓋戰國時  
燕趙分界處今有長城口亦謂之黑盧隄案長城  
隄當時卽謂之長城在戰國初築時藉以限戎馬  
之足未必高如州縣之城故今卽以爲隄通典范

陽郡遂城縣下分注云秦築而紀要及諸志皆以爲燕趙時各自所築攷戰國策蘇秦說燕曰燕長城以北易水以南張儀說燕曰秦下甲雲中駟趙而攻燕則易水長城非大王有也則以爲秦築者誠非矣又新安縣亦有長城隄蓋此隄北起安肅南入新安也

古隄在安州北雷河之濱建置無考

方輿紀要安州有古隄在州城北東自邊村而下

接雄縣西自板橋而下接蠡縣皆以防九河之決  
溢

西隄在新安縣城西自縣西涑城村起東南至留村  
迤東轉北至縣城西又東至田家莊名長城隄一名  
霍河堰詳見後又曰高家堰又曰磚瓦口隄又曰聖母

淀隄長四千零十三丈其自縣城東轉北者爲東隄  
〔新安縣志〕長城隄在縣城西延而西北可數十里  
張村三臺村涑城村公隄留村一帶共之高家堰

護公隄村留村諸水患磚瓦口隄自縣至留村三里明嘉靖十年知縣周冕築聖母淀隄自公隄古隄至澇淀長七里近出之人戶修築

東隄在新安縣東起自田家莊以西爲西隄自田家莊轉而北一名殷家淀隄又北折而西又西北轉而東入雄縣界長三千八百五十四丈五尺新河隄在新安縣北新引河南岸也自容城縣黑龍口起迤至於南河間接北隄止長五千三百零一丈六尺以防

新引河之水瀉入大殷淀也雍正四年築

謹案安縣西東二隄爲古隄康熙三十五年

命總河王新命查勘遣內閣學士觀保賞帑金一萬五千兩

修築完固三十八年又

命總督吳赫修蓋卽千里長隄之一處也新河隄創自雍正

四年爲新隄其時怕賢親王偕大學士朱軾奉

命興修畿南水利分遣邑人編修張鱗申監修新安諸工修

舊隄築新隄開新河建八閘

太平莊端村東端村  
西淀頭龍頭張家莊

黑龍口四工南河也費帑金三萬一千兩有奇至今新安民

食其利南隄詳見府河篇

孟家溝隄在新安縣北明築

明邑人張光遠孟家溝築隄隨水記畧新安當九  
河尾閘而孟家溝者尤西水要害地先是北水自  
容城小李村來由三臺鄉山西村以投南之雹河  
東達天津就下自然之勢山西村勿便而曲防以  
壅之則小李受其害以是西村交訟會官勘定仍



以雹河爲壑隆慶辛未秋山西村盜決此溝邑侯

蔣公

名學成  
壽州人

築之王申夏郡守張公

名席解  
州人

乃大

加板築仍帖鄉民永護

韓家埝在新安縣西北之涑城村因舊有西隄與新  
隄不相連屬乾隆四年於涑城村西復築此埝以捍  
諸水長二百九十五丈

雹水堰在新安縣西北自黑龍口至紅石口長十七

里明嘉靖時築

黑龍口閘在新安縣西北三十里雹河入新安境之東岸也雍正四年建引雹河水入新河

新河閘在新安縣西北二十二里跨新引河半磚半石爲之去黑龍口閘十里雍正四年建以堵容安二縣漚水下注

四工閘在新安縣西北二十里新隄上半磚半石爲之去新河閘十二里雍正四年建引新河水南流入大澱淀乾隆十年改爲涵洞

南河閘任新安縣東北十二里之南河村東在北隄上爲新引河盡處去四工閘二十里雍正四年建以洩新引河之水

西關閘在新安縣西門外西隄上半磚半石爲之乾隆十年建引城濠之水北流入大澱淀

張家莊閘在新安縣東十里東隄上閘西爲殷家淀又西爲大澱淀閘東爲燒車淀雍正四年建以洩大澱家淀之水

橋渡

龍鳳門石橋三座俱三空

北石橋七空

大紅門外石橋五空門內平石橋三空

謹案四橋俱在

泰陵風水牆內

行宮前石橋三空分水嶺所注也乾隆元年七月建

西十里鋪木橋九空至半壁店二里

半壁店木橋七空至三岔口二里

三岔口木橋五空至韓家村十六里

謹案以上五石橋三木橋皆屬

泰陵工部經管

韓家莊石橋長八尺寬九尺高四尺一空乾隆二十  
一年建跨源建水上至東二十里鋪二十五里

東二十里鋪石橋長二丈寬二丈高八尺三空乾隆

元年建東接州治

易運橋在元各莊勢石長四丈五尺寬二丈高七尺  
五空乾隆元年建

鎮遠橋在易州西關外明萬曆十五年建

北石橋在易州西關柵欄外明嘉靖十五年修崇禎

迎恩橋在易州東關

明秀橋在易州西版東關明嘉靖二十年建

惠全橋在廠西關外明天順二年修萬曆十五年重  
修

大石橋在厥西關明正德十二年建嘉靖十六年修  
韓信橋在易州西十五里之高村社〔羅案〕此當是韓王信非淮陰侯也

以上七橋皆源泉水所注

五里河橋石築在易州東五里跨五里河上明崇禎  
十三年建

水峪山石橋

以上諸橋俱屬北易水

南橋在定興縣河湯渡上爲南北通津

北關橋在容城縣北關西壘石成橋其河發源白龍  
塋朔於永樂初今廢

以上北中二易水會流之橋

了水橋在易州西南向陽堡

黑龍口橋在容城南二十里小里村石築明嘉靖十  
一年修

謹案宋史楊延昭傳景德元年詔冀州部署石普



屯馬村西以護屯田斷黑盧口萬年橋散騎奔衝之路則黑龍口之有橋舊矣

土橋在黑龍口西三里許通安肅界明嘉靖十五年修

王村橋二西爲土橋南爲石橋

小李村石橋二一在村東一在村西邑人李尚玉創建康熙十年重修

大王店石橋在安肅縣西四十里水與潞河通邑人

曹景秀建

雹河橋在安肅縣北關跨雹河上甃石長十六丈寬一丈八尺高八尺明知縣周瑋建

本朝乾隆二十八年以山水暴漲水從上漫重修增高四尺

南關橋在安肅縣南關外跨城濠上雹河支流也甃石長五丈九尺廣一丈三尺高六尺乾隆二十八年增高八尺

商家庵橋舊用石築長四丈寬一丈後圯乾隆二十  
八年改建木橋展寬一丈三尺增高八尺

徐城村橋舊用石築長四丈寬一丈高五尺乾隆二  
十八年改建木橋展寬一丈三尺增高八尺

田李莊橋舊用石築長四丈寬一丈二尺高六尺乾  
隆二十八年改建木橋展寬一丈三尺高七尺

崔家莊西北木橋又東北木橋各一座舊各長四丈  
寬一丈四尺高九尺乾隆二十八年展寬一丈五尺

增高二寸五分

田村橋在安肅縣北二十里田村南斃石跨雞爪泉河上長五丈廣二丈高八尺明天順中建

白塔鋪橋在安肅縣北二十里白塔鋪斃石跨萍泉河上長三丈廣一丈高八尺建置無考

三臺石橋跨雹河上明正德間邑人張鑑建

義濟橋在新安縣三臺村跨蘆草灣上爲安肅清苑安州通衢邑人劉參政兌建

張建家橋在新安縣之三臺西

永濟橋在新安縣三臺南跨雹河下流

土橋在新安縣三臺南

王家橋在新安縣亦跨雹河下流

向村橋在新安縣北架木跨新引河上爲通京大路

雍正四年建

北張家橋架木跨新引河上爲容城定興要路雍正

四年建乾隆二年重修

三臺北頭村橋跨新引河上雍正四年建舊用木乾隆五年重修易以石

長流橋在新安縣西南五里俗呼大橋以西關有小橋也其南又有木橋一座名長橋今皆廢

通濟橋在新安縣東門外長五丈五尺廣一丈二尺高三丈乾隆八年重修

雲衢橋一名廣義橋在新安縣南門外長七丈廣一丈二尺高二丈五尺乾隆三年重修石腳木梁路長

流河上

廣祐橋卽閻家灣橋下跨渥易與通濟橋相距三里長十三丈廣一丈二尺高二丈五尺

明戶科給事中顧士琦閻家灣新建廣祐橋記畧  
安州之屬邑曰新安易水經焉折而南有灣土人  
名曰閻家灣實爲南北孔道跨而爲橋向架木爲  
之上則車馬之所蹂躪下則河水之所衝撼率數  
年輒壞往來患苦內宦劉壽改木爲石縱經二百

餘尺橫一十七尺下醴水門十八道用金錢四十  
五萬越四閱月而告成名曰廣祐并勒諸石

馬家砦橋二跨渥易支流一在砦北一在砦東三官  
廟後

以上爲南易水橋

易陽橋任邱縣趙北口十一橋極北之第一橋也一  
名月漾橋接雄縣界

二統志月漾橋在雄縣南十二里接河間府任邱



縣界亦曰易陽橋新安高陽諸水皆經此

謹案三易水俱匯流橋下而入西淀

祠廟

源泉龍王廟在南山乾隆二十六年建

〔總督方觀承源泉龍王廟碑記〕曷易水爲畿輔大川西北白楊嶺之南源泉出焉村以源泉名猶州以易名也源泉伏流入沙不見泉列且清陽燁不耗歷代於其伏流處建壩築渠引水環州城而復入於易農田利焉百餘年來壩頽渠塞飭吏修廢計工以聞

天子發帑修濬建石壩三疏渠幾二千丈

帝錫嘉名曰安河河安而民安矣用立穹碑恭勒盛事於碑  
亭後建慶澤庵以慶祝

聖澤而南山之麓舊有龍王廟修之廟之右建亭曰雲亭崖  
之下建七楹曰靈源福地吏曰始伐石曰楊嶺之  
東役夫百十計不可得小有老人告以上有小泉  
出石中吏拓而大之役夫日取給不匱工竣泉已  
閉矣咸詫以爲靈泉之靈卽龍神之靈且以見山

川之莫不効靈也

### 龍王廟

易水志在州西關外元至正十六年平章何瑋建  
釜山龍王廟在涑水縣西北

涑水縣志山形如覆釜山署有龍潭先有靈泉寺  
康熙十四年夏旱知縣陸展箴步禱卽應乃於潭  
上蓋石亭四面塑龍環繞之潭之左舊有龍王廟  
已頽廢因重修焉

大溝小聖廟

定興縣志以祀河神五月端午致祭

鎮龍寺在新安縣城東十五里之王家砦

新安縣龍王廟在城南八里之馬家砦

## 水利

安肅縣營田在縣西北白塔鋪古莊頭高林莊縣東

南南梨園等處引督亢陂及電河之水仍洩水於本

河

此合北中南  
三易水爲一

雍正五年南梨園營治稻田共四十

一頃二十一畝四分農民自營稻田共三十九頃一

十畝二分六年縣治西北白塔鋪古莊頭高林莊營

治稻田共二十六頃四十七畝二分五厘農民自營

稻田共七十八畝九年改旱田八十頃三十一畝六

分

安肅縣秋菘俗名安肅菜其味甲於天下而姑莊營所產尤美皆資雞爪泉萍泉以爲灌溉

新安縣營田在縣西北大澱淀東北朱家莊東南劉家莊西南太平莊趙家莊等處引雹河依城河及淀

河之水洩之於應家淀

卽殷家淀

馬村河

見淶水篇

雍正五年

大澱淀營治稻田共一百三十三頃三十五畝九分

三釐農民自營稻田共一十四頃四畝三分六釐七

年宋家莊東南劉家莊農民自營稻田共五百五十  
九頃六十六畝九分九釐七年太平莊趙家莊營治  
稻田共一百五十六頃五十九畝九分農民自營稻  
田共二十七頃八十八畝

雍正三年怡賢親王水利奏畧拒馬之南爲三易  
水曰濡曰武曰雹濡水南入定興與涑水合流源  
泉白楊虎眼梁村馬跑諸泉及道攔河皆入焉源  
泉有舊石壩乃前人壅水開渠之遺跡沿流建閘



石基尚有故當時近水皆稻梁遶城皆荷芟今皆  
荒廢所應修復以廣水利者也武水流逕定興合  
濡水而歸河陽渡雹水流逕安肅合鹽臺陂入安  
州之依城河三水俱挾源泉分流疏渠其勢甚便  
鍾家莊唐湖川鹽臺陂民皆莼稻是在因其擴充  
務使水無遺利 又水利奏畧新安之雹河自西  
折東遶縣治之南入淀而徐河曾入漕河復自劉  
家莊泛濫而下新安正當二河之衝每遭漂沒之

患應於三臺村南開河一道引漕河之水會入雹  
河由縣之正北入應家淀南岸築隄以護縣治凡  
縣屬之大小澱淀俱可圩田種樹甚爲有益 乾  
隆十年二次水利工程奏略定興縣西南二十餘  
里有雞爪泉八九里外匯爲一流綿延三十餘里  
經安肅縣治之姑莊營南入瀑河姑莊兩岸悉種  
秋菰民收倍利而定邑界內稻畦畸零因三泉未  
浚水不足用故也今查三泉本旺牽引而下尚有

小泉百竇細流汨汨如迸珠亦俱淤塞不暢日自姑莊入瀑河之五里水道窄狹雨多水泛輒滿平岸今應悉展以收衆泉之用將三泉大功開濬圈砌層磚以資久遠悉導沿河泉竇滙集石橋以下一律排疏分別寬深俾定邑杭稻與安邑並廣其利又安肅縣之田村舖西五里亦有泉三孔曰萍泉入新安縣之雜淀爲萍河歲久水道淤失每遇夏月雨多則泉水暗長舊道旣不可通遂散溢田

村爲患嗣經尋得故泉今將三孔泉眼並加疏濬  
就萍河至田村舊跡接遞開挑南至麒麟店白塔  
舖北五里舖復西折至姑莊營舊有之三枝溝內  
會雞爪泉下梢歸入瀑河不過二十餘里水勢甚  
便與雞爪河同其美利 乾隆二十六年總督方  
觀承修濬安河事宜奏畧易州城西北隅白楊嶺  
下勘有源泉一道水脉頗壯從前附近居民皆鑿  
子渠支分派引約可溉田二百餘頃迨後壩毀渠

塞泉水仍由故道滲入以有用之水淪於無用之地殊爲可惜似應籌估修復舊規其各子渠聽民間酌量地畝多寡自行開挑引溉官爲督率辦理

又酌籌安河善後事宜奏畧竊照源泉之水所有蓄洩啓閉經管修濬等事宜若不詳定章程恐致漸起爭端今率該州悉心籌酌應分上下游按日輪流啟閉如上游單日用水卽閉閘導入上游子渠下游雙日用水卽啟閘入下游子渠上下游

村莊名目及用水日期立石閘旁明晰開載設立  
渠長二名專司其事免其徭役仍將渠旁墾地量  
予種藝俾資生計如遇渠道少有停淤責令勸集  
村民隨時疏挑倘工程較大並開壩應修報官經  
理物料官爲籌辦夫力按村撥用其河灘畸零不  
成頃畝地畝貧民願墾者請免陞科照例交納租  
銀以充慶澤庵龍神香火之用如此則美利均溥  
而無爭矣

明新安教諭陳監王家橋記畧而來

電流所經其水狹迅勢不可渠二十里許盡治之  
北界渠首曰王家橋建斗門從廣二一司啟閉一  
束河身備壅洩溝間有遂遂間有畝鱗次櫛比畛  
繩綺分下流曰涑城村亦開渠十五里引申而東  
縣北燒車淀洄溯善嚙則自六道河築重隄爲斗  
門勢最夷恣之入西趨與前二渠會內可稻者列  
塍幾十畝計三渠環亘六十里合灌地一千五百  
頃餘令條水均約鄰客之河濡灣處予以十日而

地偏其高不能升者不得久遏澤違時每灌則自下漸上盈科後進秉耜待伐匝月而決畝有籍渠有長啓閉有候工凡六旬而竣

謹案畿輔通志雹河山新安之黑龍口歸襍淀新安三面皆水惟城北爲乾土而地處容城下流雨潦南下則大澱一帶盡爲鄰壑雍正三年怡賢親王於三臺村引雹河經小王營尚村之北至南河頭入燒車淙南岸築隄建閘以時節宣隄內大澱



淀遂成腴田考黑龍口卽黑盧口宋史石普傳帝  
詔勅輔臣曰靜戎順安軍界先開營田河道可以  
扼黑盧口三臺小路亦可通漕運至邊則營田  
舊矣又新安適當府河查河之會故京西營田自  
縣之大澱淀始漸及諸邑至今享其利者亦惟新  
安爲最然在宋時已有之文獻通考淳化中開易  
河引水東注海東西三百餘里南北五十七里悉  
爲稻田是也明時亦用之縣志王家橋渠流所經

卽河身東西爲一閘以備旱潦蓄洩由麥淀口入  
處南北爲一閘引水東行灌山西申明亭獅子等  
村涿城村渠雹水下流迤東灌張村北上大小王  
等村復折而東下大澱淀與六道河渠會六道河  
渠淀水所蓄沿隄南北爲一閘水漫衍宜稻西行  
灌南北六里至小王等村皆萬厯間邑令張廷玉  
所開特當時多用雹水尚未及大澱淀耳 又案  
宋史河渠志仁宗明道二年劉平自雄州徙知成

德軍奏曰太宗朝嘗有建請置方田者今契丹國  
多事我乘此以引水植稻爲名開方田隨田墾四  
面穿溝渠縱廣一丈深二丈鱗次交錯兩溝間屈  
曲爲逕路才令通步引曹河徐河鮑河雞距泉水  
注溝中地高則用水車汲引灌漑甚便又唐介傳  
知莫州任邱縣沿邊塘水歲溢害民田中人楊懷  
敏欲割邑西十一村地豬漲潦介築隄闌之民以  
爲利又陳貫傳領河北轉運使請疏徐鮑曹易四

水興屯田三事皆在何承矩規畫塘濬之後蓋引  
鮑易諸水以益塘兼以利田也餘詳東西淀篇  
又案安肅縣營田用萍河及雞爪河諸水雞爪河  
疑卽古范陽陂中之水畿輔通志以爲督亢陂非  
也督亢陂在今涿州境見涑水篇